

BORRADOR DA ACTA DA SESION CONSTITUTIVA DA XUNTA DE GOBERNO LOCAL DO DIA 4 DE XULLO DE 2011.

ASISTENTES:

Presidente:

D. José Ignacio Portos Vázquez

Concelleiros:

D^a. Ana Ledo Fernández
D. José Ángel Rey Seoane
D^a. Isabel Sesar Otero

Secretaria-Interventora:

D.^a Rebeca Vázquez Vázquez

Na Casa Consistorial do Concello de Boimorto sendo as 13:10 horas do día catro de xullo de 2011, xúntase en sesión ordinaria, primeira convocatoria, previamente convocados para o efecto, os membros da Xunta de goberno local relacionados na marxe, baixo a presidencia do alcalde, D. José Ignacio Portos Vázquez.

Foron asistidos pola Secretaria-Interventora Dona Rebeca Vázquez Vázquez.

Aberta a sesión polo Sr. Alcalde-presidente, pásanse a tratar os asuntos incluídos na orde do día.

1.- CONSTITUCIÓN XUNTA DE GOBERNO LOCAL

Aberta a sesión polo sr. Alcalde-presidente, pásanse a tratar o asunto incluído na orde do día. Pola Secretaría dase lectura os artigos 52,53, 112 e 113 do ROF aprobado por RD 2568/1986 de 28 de novembro. A continuación dase conta dos acordos do Pleno municipal de data 29/6/2011 que se transcriben literalmente e relacionanse coa creación e competencias da Xunta de goberno local:

<< 3.- PROPOSTA ALCALDÍA CREACIÓN XUNTA DE GOBERNO LOCAL

Pola Secretaria dase lectura á proposta da Alcaldía relacionada con este punto da orde do día que se reproduce literalmente:

3.- PROPOSTA DA ALCALDÍA CREACIÓN DA XUNTA DE GOBERNO LOCAL

.....o Pleno municipal **ACORDOU:**

PRIMEIRO.- Crear a Xunta de goberno local que estará presidida por esta Alcaldía e que estará integrada por 3 concelleiros, número non superior a un tercio do número legal de membros da Corporación nomeando como membros da Xunta de goberno local ós seguintes Concelleiros:

D^a. Ana Ledo Fernández
D. José Ángel Rey Seoane
D^a Isabel Sesar Otero

SEGUNDO.- A Xunta de goberno local terá as seguintes atribucións:

A) A asistencia permanente e asesoramento ó Alcalde no exercicio das súas atribucións.
B) As atribucións que esta Alcaldía e / ou o Pleno municipal, de forma expresa delegue na mesma.

TERCEIRO.- Facultar á Alcaldía para todos aqueles actos que sexan precisos para a execución do presente acordo.

CUARTO.- En aplicación do artigo 112.3 do RD 2568/1986 de 28 de novembro polo que se aproba o Regulamento de organización funcionamento e réxime xurídico das entidades

locais a Xunta de goberno local celebrará sesión ordinaria nos días e horas determinados en decreto desta Alcaldía.

QUINTO.- Que queden derogados Decretos, acordos, resolucións e calquera outro acto ou norma municipal que se opoña a este acordo así como delegacións de competencias na Xunta de goberno local na Xunta de goberno local non acordadas expresamente polos membros da nova Corporación constituída tralas eleccións municipais.

8.- DACIÓN DE CONTA DAS RESOLUCIÓN DA ALCALDÍA RELACIONADAS CO ARTIGO 38.D) DO RD 2568/1986 DE 28 DE NOVIEMBRE

Pola Secretaria dase conta dos seguintes decretos dictados pola Alcaldía Presidencia:

<<**Decreto:** 184 / 2011 **Data decreto:** 17/06/2011 **Descrición decreto:** Nomeamento Tenentes de Alcalde.

Vistos os artigos 20.1 e 23.3 da Lei 7/1985, de 2 de abril, reguladora das Bases do Réxime Local, e artigos 46 e 47 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, segundo o disposto no artigo 46 do Regulamento de organización e funcionamento e rexime xurídico das entidades locais de 28 de novembro de 1986 tendo previsto esta Alcaldía propoñer o Pleno municipal a creación da Xunta de goberno local da que formarían parte os/as neste decreto nomeados/as Tenentes de Alcalde polo presente **RESOLVO:**

PRIMEIRO.- Nomear Tenentes de Alcalde pola orde expresada ós seguintes Concelleiros que serán propostos tamén por esta Alcaldía como membros da Xunta de goberno local cuxa creación será proposta ó Pleno :

1º Dª. Ana Ledo Fernández

2º D. José Angel Rey Seoane

3º Dª Isabel Sesar Otero

SEGUNDO.- Corresponde ós nomeados, polo mesmo orde, substituírme na totalidade das miñas funcións, nos casos de ausencia, enfermidade ou impedimento que me imposibilite para o exercicio das miñas atribucións; así como nos supostos de vacante ata que tome posesión o novo Alcalde.

TERCEIRO.- A presente resolución notificarase ós designados persoalmente, publicándose no Boletín Oficial da Provincia e darase conta ó Pleno na primeira sesión que celebre.

Boimorto dezasete de xuño de dous mil once

O alcalde

Asdo.- D. José Ignacio Portos Vázquez

Perante min:

A secretaria

Asdo.- Rebeca Vázquez Vázquez

Decreto: 201 / 2011

Data decreto: 27/06/2011

Descrición decreto: Delegación de competencia do Alcalde na Xunta de goberno local e fixación dos días e horas de celebración das súas sesións ordinarias.

DON JOSÉ IGNACIO PORTOS VÁZQUEZ ALCALDE-PRESIDENTE DO CONCELLO DE BOIMORTO (A CORUÑA)

Visto que propónse por esta Alcaldía en proposta de data 24/06/2011 ó Pleno municipal que acorde a creación de Xunta de goberno local e deixar sen efectos todas as delegacións de competencias na Xunta de goberno local derivadas de acordos da Corporación anterior .

Visto o artigo 112 do ROF RD 2568/1986 de 28 de novembro que sinala que a competencia desta Alcaldía fixar por decreto día e hora de celebración de sesión ordinaria da Xunta de goberno local .

Vistos os artigos 114 a 118 do ROF RD 2568/1986 de 28 de novembro polo presente e tendo en conta o disposto no artigo 21.3 da Lei 7/1985 de bases do réxime local e as bases de execución do orzamento municipal para o ano 2011 polo presente **RESOLVO:**

RESOLVO:

PRIMEIRO.- Deixar sen efecto a delegación de competencias feita por esta Alcaldía Presidencia na Xunta de goberno local en decreto 28/2008 e recollida nas bases de execución do orzamento municipal do 2011 e delegar de forma expresa na Xunta de goberno local as seguintes atribucións desta Alcaldía:

A) A concesión de toda clase de licencias e autorizacións.

B) As contratacións de obras , suministros, servizos e xestión de servizos públicos así como contratos administrativos especiais e contratos privados cando o seu importe non supere o 10% dos recursos ordinarios do orzamento nin en calquera caso a contía de seis millóns de euros incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin o porcentaxe indicado referido os recursos ordinarios do orzamento no primeiro exercicio nin a contía sinalada. Así como a adxudicación de concesións sobre os bens do Concello e adquisición de bens inmóbiles e dereitos suxeitos á lexislación patrimonial cando o seu valor non supere o 10% dos recursos ordinarios do orzamento nin o importe de 3 millóns de euros así como a enaxenación do patrimonio cando o seu valor non supere a porcentaxe e contía indicados .

C) A aprobación dos proxectos de obras e de servizos cando sexa competente para a súa contratación ou concesión e estean previstos no orzamento municipal.

D) Dispoñer gastos , dentro dos límites que competan ó alcalde e os expresamente previstos nas Bases de Execución do Orzamento municipal, así como aprobar as facturas que correspondan ó desenvolvemento normal do orzamento municipal e que fosen recibidas polo Servizo de Intervención Tesorería, salvo os gastos referidos á nóminas do persoal do Concello que manteranse como de competencia da Alcaldía.

E) A aprobación dos instrumentos de planeamento de desenvolvemento do Planeamento xeral competencia da Alcaldía, así como os instrumentos de xestión urbanística e dos proxectos de urbanización.

F) Organizar os servizos de recadación e tesourería, sen prexuízo das facultades do Pleno para aprobar as formas de xestión deses servizos, e aprobación das liquidacións de ingresos salvo padróns municipais no desenvolvemento da xestión económica do orzamento en vigor aprobado que serán aprobados por Decreto da Alcaldía.

G) A aprobación das certificacións de obras, dos que sexa competencia súa a contratación.

H) Informar os expedientes relativos a actividades clasificadas, así como informar en expedientes relacionados coa concesión de licencias urbanísticas.

SEGUNDO.- Fixar os últimos xoves hábiles de cada mes (de coincidir inhábil celebrárase a sesión ordinaria o seguinte día hábil) para a celebración das sesións ordinarias da Xunta de goberno local ás 13:00 horas.

TERCEIRO .-Da presente resolución, darase coñecemento ó Pleno na primeira sesión que celebre, e publicárase no Boletín Oficial da Provincia, sen prexuízo da súa efectividade a partir do día seguinte ó da data, conforme se indica no artigo 44 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, deixando sen efecto calquera resolución ou acordo municipal contrario o disposto neste decreto.

Boimorto vinteseite de xuño de dous mil once

O alcalde

Perante min:

A secretaria

Asdo.- D. José Ignacio Portos Vázquez

Asdo.- Rebeca Vázquez Vázquez

Todos os membros da Xunta de goberno local aceptan as delegacións de competencias da Alcaldía Presidencia na Xunta de goberno local sinaladas no decreto anterior, en aplicación dos artigos 53 e 114 do ROF aprobado por RD 2568/1986 de 28 de novembro.

Polo Alcalde Presidente da Xunta de goberno local declárase constituída a Xunta de goberno local en cumprimento do preceptuado no artigo 112 do Regulamento de organización, funcionamento e réxime xurídico das entidades locais aprobado por Real Decreto 2568/1986 de data 28 de novembro.

Ao non haber máis asuntos que tratar, o Sr. Alcalde remata a sesión, sendo as 13:35 minutos do expresado día. Autorízase a presente acta coa sinatura do alcalde-presidente e da secretaria que dá fe.

Vº. e Pr
O ALCALDE,

A SECRETARIA,

Asdo.- José Ignacio Portos Vázquez